



Broj: 01-81/16
Vareš, 28.04. 2016. godine

Z A P I S N I K
s 35. sjednice Općinskog vijeća Vareš,
održane 31.03. 2016. godine

Mahira Brkić – zamjenica predsjedavajućeg Općinskog vijeća Vareš, otvorila je 35. sjednicu s početkom u 16,00 sati, u velikoj sali Općine Vareš.

Zamjenica predsjedavajućeg OV Mahira Brkić pozvala je gosp. Milana Knežević, kome je dodijeljen mandat ispred SDP u OV Vareš, da pristupi davanju Svečane izjave.

Nakon davanja Svečane izjave, Milan Knežević je potpisao Izjavu.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Mahira Brkić, Tajiba Brkić, Asmir Čizmo, Zdenko Franjić, Osman Ibršimović, Emir Islamović, Kenan Kamenjaš, Đemo Kevrić, Milan Knežević, Tarik Kovač, Zdravko Marošević, Mario Mirčić, Safeta Muftić, Elvir Rožajac, Jasmin Salketić i Nikola Šimić.

Odsutni: Mato Pavić.

Pored vijećnika sjednici prisustvuju: Općinski načelnik – gosp. Avdija Kovačević, sekretar Općinskog vijeća – gosp. Leon Pavlović, pomoćnici općinskog načelnika, ispred Službi organa uprave - gosp. Senad Mahmutović, predsjednici političkih stranaka i mediji.

Sekretar OV Leon Pavlović izvijestio je Vijeće o realizaciji Zaključaka i postavljenim vijećničkim pitanjima sa 34. sjednice OV održane 29.02. 2016. godine. Na 34. sjednici OV donesena su četiri (4) zaključka koji su i realizovani. Postavljena su četiri (4) vijećnička pitanja. Na tri (3) vijećnička pitanja nadležni su dostavili pismeni odgovor podnosiocima pitanja a na jedno (1) vijećničko pitanje nije odgovoreno.

(Vijećnička pitanja)

Elvir Rožajac

1. Da li postoji mogućnost ispred Općine Vareš da se obezbjedi posijecanje starih stabala i sadnja novih, ispred D-objekata ulica Put mira? O postavljenom pitanju dao je pojašnjenje.
2. Zašto je izostala finansijska pomoć Odredu izviđača „Zvijezda“ Vareš od strane Općine Vareš. O postavljenom pitanju dao je pojašnjenje.

Zamjenica predsjedavajućeg Mahira Brkić skrenula je pažnju vijećnicima da pitanja postavljaju konkretno sa užim obrazloženjem, te da se pod tačkom Tekuća pitanja može voditi rasprava.

Ismet Abdulahović

3. Pitanje se odnosi na izdvajanje sredstava za porez radnicima organa uprave Općine Vareš koje je trebao neko da uplati (rok za uplatu je 31.12.2016. godine). – Da li je šta urađeno po tom pitanju i ako nije ko je to ko treba da prebaci te pare?

Demo Kevrić

Izjavio je da nije dobio odgovore na postavljena dva vijećnička pitanja na 33. sjednici OV.

4. Kada će vijećnici ovog Općinskog vijeća dobiti materijal, odnosno Budžet za 2016. godinu. Traži da se isti dostavi vijećnicima za narednu sjednicu. O postavljenom pitanju dao je pojašnjenje.
Upoznao je prisutne da je prije petnaest dana, od nepoznatog pošiljaoca, dobio sms poruku vrlo uvredljivog i neprimjerenog sadržaja vezano za nedolično ponašanje u radu Općinskog vijeća, njega kao vijećnika, te navodno da govori neistinite podatke. Smatra da je ovo po drugi put atak na vijećnike BPS, jer je prije par mjeseci slično se desilo i vijećniku Ismetu Abdulahoviću. Na kraju je izjavio da se ne osjeća sigurnim.

Mahira Brkić

Podsjetila je na vijećničko pitanje sa prošle sjednice OV, na koje nije dobila odgovor, a vezano je za projekat i izgradnju objekta „zdravo starenje“.

5. Pitanje upućeno Stručnoj službi OV – Koliko vijećničkih pitanja u toku ovog mandata je postavljeno od strane vijećnika i na koliko nismo dobili odgovor, kao i koliko zaključaka je donijelo ovo Općinsko vijeće i koliko nije realizovano? O postavljenom pitanju dala je pojašnjenje.

Općinski načelnik Kovačević Avdija u okviru aktuelne problematike na području općine Vareš u svom obraćanju dao je odgovor na vijećničko pitanje Mahire Brkić u vezi sa projektom „Dom zdravog starenja“ Vareš – Majdan. Istakao je da je projekat Dom zdravog starenja Vareš Majdan urađen. Cijena rekonstrukcije tog sadržaja iznosi oko 570.000 €. Istakao je da su upiti poslani na više adresa da neko izrazi javni interes, da se uključi u ovu investiciju. Navodi da je jedna od mogućnosti kupovina, a druga mogućnost je da to bude javno privatno partnerstvo u kome bi potencijalni investitor imao većinski paket po osnovu postojećeg Zakona o javno- privatnom partnerstvu i treći modalitet je da se organizira ortačka grupa koja bi bila zainteresirana da se hospicij stavi u puni kapacitet. Limitirajući faktor jeste što se taj lokalitet nalazi pod založnom hipotekom na osnovu sporazuma koji je potpisan sa Poreznom upravom.

Jedan od zainteresiranih je gosp. Fadil Budnjo vlasnik ustanove u Hrasnici koji je izrazio interes za saradnju i organiziran je sastanak na kojem su prisustvovali direktor Doma zdravlja Vareš i predsjednik Upravnog odbora Doma zdravlja Vareš. Gospodin Fadil Budnjo je odustao od saradnje iz razloga što postojeći hospicij u Hrasnici nije popunjen i ne može iznijeti investiciju u onoj mjeri koliko bi bilo neophodno.

Predlagao je drugu opciju da se postojeći stacionar u Majdanu- hitna pomoć sa apotekom preuredi i iznajmi u tu svrhu pod zakup i da se iz tih prihoda koji bi nastajali sukcesivno obnavlja gornji stacionar i bolnica, međutim iz razloga neizmirenih obaveza prema Poreznoj upravi nije se moglo izaći u susret i čeka se da se zaokruži kompletna obaveza po osnovu neplaćenih doprinosa i poreza.

U daljem izlaganju načelnik je istakao da je opća bezbjednosna situacija u općini Vareš zadovoljavajuća.

Također je u toku izlaganja dao usmeni odgovor na vijećnička pitanja postavljena na današnjoj sjednici od strane vijećnika Elvira Rožajca (posjecanje stabala kod D objekata i finansijska pomoć OI „Zvijezda“ Vareš) i Ismeta Abdulahovića (izdvajanje sredstava za porez radnicima organa uprave).

Načelnik je u svom obraćanju taksativno nabrojao informacije koje su jako značajne za ovu lokalnu zajednicu, organ uprave i OV. Navodi da je počeo sa implementacijom ugovor predzadnje faze završetka OŠ u Ravnama, zatim da je potpisan ugovor o izgradnji škole u Mižnovićima (vrijednost projekta 67.000 KM, planiran početak radova početkom građevinske sezone), da je pomoćnik

načelnika Ermin Musa potpisao ugovor o izgradnji puta Striježovo-Kokošćici (završetak radova planiran do kraja građevinske sezone). Načelnik smatra da će biti odobrena sredstva od strane Federalnog ministarstva za izbjegla i raseljena lica u iznosima: 200.000 KM za izgradnju puta Podlovački- Očevija, 75.000 KM za izgradnju dionice Vijaka-Krčevine i 150.000 KM za izgradnju puta Podtisovci- Bijelo Borje, kao i sredstva za izgradnju i uređenje dvorišta crkve u Borovici i izgradnju abdestane na džamiji Karići, izgradnju multifunkcionalne nadstrešnice za Udruženje žena Stupni Do i da su obezbjeđena sredstva za izgradnju šehidskog spomen obilježja na Budoželju (oko 12.000 KM).

JOO općine Vareš i pomoćnik načelnika Ermin Musa dogovorili su da u prvih 15 dana mjeseca aprila uz podršku Civilne zaštite, JKP Vareš, MZ Vareš, MZ Vareš-Majdan organiziraju proljetno čišćenje grada o čemu je dao pojašnjenje.

Načelnik odgovorno tvrdi da OI „Zvijezda“ Vareš ima punu podršku od strane Općinskog organa o čemu je dao pojašnjenje.

Načelnik je dao odgovor na pitanje gospodina Ismeta Abdulahovića u kome je naglasio da je održan sastanak sa Premijerom Vlade Federacije na kojem je dogovoreno da će Premijer Vlade Federacije organizovati sastanak sa premijerom ZDK, ministrom finansija ZDK na kome bi se trebao potpisati sporazum u vezi sredstava od 1.000.000 KM, ta sredstva bi automatski bila uplaćena Poreznoj upravi. Preostali dug bi se u dogovoru sa Premijerom ZDK isfinansirao na način da se ostavi trajni nalog u budžetu ZDK u iznosu od oko 19.000 KM (vrijednost vansudske nagodbe sa ŠPD-om). Načelnik smatra da će se do kraja mjeseca aprila u značajnoj mjeri izmiriti obaveze prema zaposlenicima.

Zamjenica predsjedavajućeg OV stavila je na raspravu Zapisnik sa 34. sjednice OV.

Vijećnik Ismet Abdulahović zamolio je Stručnu službu OV da se u zapisnicima ako ima nešto bitno to i navede, misli na svoju diskusiju sa prošle sjednice OV i primjedbe koje je iznio, napominjući da su se te primjedbe trebale navesti u zapisniku.

Nije više bilo učesnika u raspravi i zamjenica predsjedavajućeg OV stavila je na izjašnjanje Zapisnik sa 34. sjednice OV.

Nakon izjašnjanja vijećnika zamjenica predsjedavajućeg OV konstatuje da je **sa 15 glasova „ZA“ i 2 „SUZDRŽANA“ glasa usvojen Zapisnik sa 34. sjednice OV.**

Predsjedavajući OV Zdravko Marošević nastavio je vođenje današnje sjednice i ispričao se zbog opravdanog kašnjenja na današnju sjednicu.

Predsjedavajući OV stavio je na raspravu prijedlog dnevnog reda za 35. sjednicu OV koji je usaglašen na Kolegiju Općinskog vijeća.

Nije bilo učesnika u raspravi i predsjedavajući OV stavio je na izjašnjanje prijedlog dnevnog reda za 35. sjednicu OV.

Nakon izjašnjanja vijećnika predsjedavajući OV konstatuje da je **jednoglasno (17 glasova „ZA“) usvojen s l i j e d e ć i**

D n e v n i r e d :

- 1. Izvještaj/Izvješće o izvršenju budžeta/proračuna Općine Vareš za period januar/siječanj-decembar/prosinac 2015. godine**
Izvjestilac: Služba za prostorno uređenje, urbanizam, privredu i finansije
- 2. Izvještaj o radu Općinskog načelnika za 2015. godinu**
Izvjestilac: Općinski načelnik
- 3. Prijedlog Odluke o saradnji i partnerstvu između Općine Oğuzeli – Gaziantep u Republici Turskoj i Općine Vareš u Bosni i Hercegovini.**
Izvjestilac: Općinski načelnik

4. **Prijedlog Odluke o izmjenama Odluke o načinu obilježavanja međunarodnih i državnih praznika u Općini Vareš**
Izjestilac: Klub BPS
5. **Prijedlog Zaključka o pristupanju izrade Strategije razvoja Općine Vareš za period 2016 – 2020. godine.**
Izjestilac: Općinski načelnik
6. **Prijedlog Zaključka o davanju saglasnosti na Sporazum o međusobnoj kompenzaciji obaveza između Općine Vareš i JP ŠPD ZDK d.o.o. Zavidovići za nekretnine „Doli“ Vareš.**
Izjestilac: Općinski načelnik
7. **Izveštaj o provođenju Odluke o komunalnom redu općine Vareš za 2015. godinu.**
Izjestilac: Služba za prostorno uređenje, urbanizam, privredu i finansije
8. **Tekuća pitanja.**

Ad. 1.

(Izveštaj/Izvešće o izvršenju budžeta/proračuna Općine Vareš za period januar/siječanj-decembar/prosinac 2015. godine.)

Komisija za privredu, finansije i budžet na 13. sjednici održanoj 22.03. 2016. godine jednoglasno je donijela slijedeći Zaključak:

- Komisija nije imala primjedbi na Izveštaj/Izvešće o izvršenju budžeta/proračuna općine Vareš za period januar/siječanj – decembar/prosinac 2015. godine i isti se upućuje Vijeću na razmatranje.

Senad Mahmutović na početku izlaganja dao je usmeni odgovor na postavljeno vijećničko pitanje vijećnika Đeme Kevrić koje se odnosi na dokument Budžet Općine Vareš za 2016. godinu. *(Nakon usvajanja Rebalansa za 2015. godinu, izmjene su unesene u Budžet Općine Vareš za 2016. godinu i isti je objavljen na oglasnoj tabli i web stranici Općine Vareš. Na narednoj sjednici OV uz Izveštaj o izvršenju budžeta za period januar-mart 2016. godine, vijećnicima će biti dostavljen i dokument Budžet Općine Vareš za 2016. godinu.)*

Senad Mahmutović ispred ovlaštenog predlagača dao je dodatno pojašnjenje za ovu tačku dnevnog reda.

Otvorena je rasprava u kojoj je vijećnica Mahira Brkić postavila pitanja i na ista zatražila odgovor od gosp. Senada Mahmutović.

(Koju metodologiju ste primijenili da bi se dobila stavka „prometno saldo“ i kod obaveza i kod potraživanja str.11.? Da li se u iznosu potraživanja od 2.688.408 KM nalaze i „sporna i sumnjiva potraživanja“? Da li se u tabelarnom dijelu, odnosno u prihodima, prikazana i ona sredstva koja su skinuta po samom osnovu Rješenja od Porezne uprave FBiH?)

Za riječ se javio Senad Mahmutović koji je dao odgovore na postavljena pitanja, na prvo pitanje koje se odnosi na metodologiju i stavku „prometno saldo“ odgovorio je da je rađeno u skladu sa Zakonom o računovodstvu, na drugo pitanje dao je odgovor da se sumnjiva i sporna potraživanja knjiže na posebnom kontu i na treće pitanje odgovorio je da su iz redovnih prihoda skidana sredstva prilikom blokade računa i da se to moralo knjižiti trenutno kao redovni rashod i tek onda izvršiti zatvaranje obaveza.

U daljnjoj raspravi su učestvovali i iznijeli svoje primjedbe, sugestije, mišljenja i pitanja vijećnici: Mahira Brkić, Zdenko Franjić, Elvir Rožajac i Đemo Kevrić (traži odgovor kolika su dugovanja Općine Vareš prema JKP d.o.o. Vareš).

Za riječ se javio Senad Mahmutović koji je dao dodatno pojašnjenje na iznesene primjedbe vijećnika i odgovore na neka pitanja postavljena u raspravi.

U daljnjoj raspravi su učestvovali zamjenica predsjedavajućeg OV Mahira Brkić koja je u svom obraćanju iznijela svoje mišljenje u vezi izlaganja Senada Mahmutović koje se odnosi na socijalna davanja i pojašnjenja i vijećnik Đemo Kevrić koji je iznio svoje mišljenje u vezi uvrštavanja određenih sredstava na pojedina konta.

Za riječ se javio Općinski načelnik Avdija Kovačević koji je u svom obraćanju, a vezano za diskusiju vijećnika Đeme Kevrić, upoznao prisutne da po usaglašenom protokolu između JKP d.o.o. Vareš i Općine Vareš, obaveze Općine prema JKP d.o.o. Vareš iznose oko 180.000,00 KM, te da će na slijedećoj sjednici, Vijeće biti i pismeno upoznato o istom.

Za riječ se javio vijećnik Mario Mirčić koji je u svom obraćanju kao jednu od mjera prevazilaženja ovakvog stanja u Općini Vareš predložio slijedeći prijedlog

Zaključka:

- **Da se po izvršenoj uplati obaveza Općine prema Rješenju Kantonalne porezne uprave , izvrši precizno utvrđivanje finansijskog stanja sa svim obavezama, potraživanjima, sumnjivim i spornim obavezama i potraživanjima, te da taj presjek stanja postane početna tačka finansijskog stanja Općine za daljnji period.**

Zaključena je rasprava i predsjedavajući OV stavio je na izjašnjavanje Izvještaj/Izvješće o izvršenju budžeta/proračuna Općine Vareš za period januar/siječanj-decembar/prosinac 2015. godine, te nakon izjašnjavanja vijećnika konstatuje da je sa **11 glasova „ZA“ i 7 „SUZDRŽANIH“ glasova usvojen**

Izvještaj/Izvješće o izvršenju budžeta/proračuna Općine Vareš za period januar/siječanj-decembar/prosinac 2015. godine.

Predsjedavajući OV stavio je na izjašnjavanje predloženi Zaključak, te nakon izjašnjavanja konstatuje **da je jednoglasno (18 glasova „ZA“) usvojen predloženi Zaključak.**

Ad.2.

(Izvještaj o radu Općinskog načelnika za 2015. godinu.)

Otvorena je rasprava u kojoj su učestvovali vijećnici: Mahira Brkić, Tajiba Brkić i Tarik Kovač (postavio je pitanja u vezi dežura apoteka u vrijeme praznika, potrebnog vremena službe za izdavanje saglasnosti i građevinskih dozvola, devastiranja stambenih objekata-izmjenom fasadne stolarije, šta je urađeno tokom 2015. godine da se u Vareš dovede kapital i sl.).

Za riječ se javio Općinski načelnik koji je u svom obraćanju iznio mišljenje i dao pojašnjenje u vezi konstatacije vijećnice Mahire Brkić u vezi Strategije razvoja općine Vareš koja je prezentirana na sjednici OV i odgovorio na postavljena pitanja vijećnika Tarika Kovač.

U daljnjoj raspravi su učestvovali vijećnici: Mahira Brkić (iznijela je svoje lično mišljenje u vezi izlaganja Općinskog načelnika), Elvir Rožajac i Ismet Abdulahović (iznio je mišljenje u vezi diskusije Općinskog načelnika vezano za raspravu vijećnika o nekim stvarima za koje nisu glasali).

Predsjedavajući OV dao je osvrt na diskusiju Općinskog načelnika i vijećnika Ismeta Abdulahovića naglašavajući da svi vijećnici imaju pravo na diskusiju i iznošenje ličnog mišljenja.

U daljnjoj raspravi su učestvovali Općinski načelnik Avdija Kovačević (koji je uz dato pojašnjenje izjavio da je u diskusiji iznio svoj lični stav), vijećnica Mahira Brkić (dala je komentar i iznijela mišljenje u vezi navoda Općinskog načelnika vezanu za izjavu na prošloj sjednici, iznijela je svoj stav o izjašnjavanju i diskusiji vijećnika o Budžetu i Izvještaju o izvršenju budžeta Općine Vareš), vijećnik Tarik Kovač (uz dato pojašnjenje, ponovo je postavio pitanje Općinskom načelniku: Šta je to u prošloj godini što ste Vi uradili da je na kraju i realizovano, da je neki dogovor od svih onih razgovora koje ste obavljali sa ljudima realizovano?), vijećnica Tajiba Brkić i vijećnik Ismet Abdulahović (replika vijećnici Tajibi Brkić).

Predsjedavajući OV u svom obraćanju dao je rezime na raspravu i iznio svoje mišljenje o radu, dužnostima i pravima Općinskog vijeća i Izvršne vlasti

Zatvorena je rasprava i predsjedavajući OV stavio je na izjašnjavanje Izvještaj o radu Općinskog načelnika za 2015. godinu.

Nakon izjašnjavanja vijećnika predsjedavajući OV konstatuje da je **sa 12 glasova „ZA“ i 6 glasova „PROTIV“ usvojen**

Izvještaj o radu Općinskog načelnika za 2015. godinu.

Predsjedavajući OV dao je pauzu u trajanju 15 minuta.

Nastavljeno je sa radom današnje sjednice.

Ad.3.

(Prijedlog Odluke o saradnji i partnerstvu između Općine Oğuzeli – Gaziantep u Republici Turskoj i Općine Vareš u Bosni i Hercegovini.)

Komisija za statutarna pitanja i propise na 28. sjednici održanoj 29.03.2016. godine sa 3 glasa „ZA“, 1 glasom „PROTIV“ i 1 glasom „SUZDRŽAN“ donijela je slijedeći Zaključak:

-Komisija Prijedlog Odluke o saradnji i partnerstvu između Općine Oğuzeli – Gaziantep u republici Turskoj i Općine Vareš u Bosni i Hercegovini upućuje Vijeću na razmatranje.

Ovlašteni predlagač Općinski načelnik u svom obraćanju dao je dodatno pojašnjenje za ovu tačku dnevnog reda u kojem je prisutne upoznao sa provedenim i planiranim aktivnostima vezano za suradnju sa Općinom Oğuzeli. Nakon donošenja ove Odluke potrebno je obavijestiti ambasadu Republike Turske. Također je iznio mišljenje da bi dobro bilo da se u sklopu ove Odluke donese zaključak da Općina Vareš, u skladu sa diplomatskom procedurom, prva pozove predstavnike Općine Oğuzeli u posjet Općini Vareš.

Otvorena je rasprava u kojoj su učestvovali i iznijeli svoja mišljenja i prijedloge: predsjedavajući OV Zdravko Marošević, vijećnik Mario Mirčić (predložio je da u članu 3. stoji slijedeće: „Ovlašćuje se Načelnik Općine Vareš i predsjedavajući OV Vareš da u ime Općine Vareš potpišu Sporazum o saradnji i partnerstvu, isti prezentira Općinskom vijeću najmanje jedanput godišnje izvijesti o aktivnostima po ovom Sporazumu Općinsko vijeće“. Također je predložio da se doda novi stav u kome će se navesti da će Općinski načelnik uputiti poziv predstavnicima Općine Oğuzeli – Gaziantep u Republici Turskoj, kako se ne bi pravio poseban zaključak kako je to Načelnik predložio) i vijećnik Tarik Kovač (sugerisao je da bi bilo dobro navesti u Odluci na čemu će se zasnivati saradnja između Općine Vareš i Općine Oğuzeli).

Za riječ se javio Općinski načelnik i izjavio da nema smetnji da potpisnici Sporazuma budu Općinski načelnik i predsjedavajući OV, u vezi prijedloga vijećnika Tarika Kovač izjavio je da se to može navesti u Sporazumu. Mišljenja je da bi trebalo organizovati i zakazati Svečanu sjednicu na kojoj bio se izvršilo potpisivanje Sporazuma.

Predsjedavajući OV u svom obraćanju podržao je prijedlog Načelnika da se u svrhu posjete predstavnika Općine Oğuzeli i potpisivanja Sporazuma organizuje Svečana sjednica OV.

Predsjedavajući OV zaključio je raspravu i stavio na izjašnjavanje Odluku o saradnji i partnerstvu između Općine Oğuzeli – Gaziantep u Republici Turskoj i Općine Vareš u Bosni i Hercegovini uz predložene amandmane za dopunu koje je prihvatio ovlašteni predlagač.

Nakon izjašnjavanja vijećnika predsjedavajući OV konstatuje da **je jednoglasno (17 glasova „ZA“) usvojena**

Odluka o saradnji i partnerstvu između Općine Oğuzeli – Gaziantep u Republici Turskoj i Općine Vareš u Bosni i Hercegovini

Ad.4.

(Prijedlog Odluke o izmjenama Odluke o načinu obilježavanja međunarodnih i državnih praznika u Općini Vareš.)

Komisija za statutarna pitanja i propise na 28. sjednici održanoj 29.03.2016. godine jednoglasno je donijela slijedeći Zaključak:

-Komisija nema primjedbi na Prijedlog Odluke o izmjenama Odluke o načinu obilježavanja međunarodnih i državnih praznika u Općini Vareš, te Odluku upućuje Vijeću na razmatranje.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o izmjenama Odluke o načinu obilježavanja međunarodnih i državnih praznika u Općini Vareš.

Nakon izjašnjavanja vijećnika predsjedavajući OV konstatuje da **je jednoglasno (17 glasova „ZA“) usvojena**

Odluka o izmjenama Odluke o načinu obilježavanja međunarodnih i državnih praznika u Općini Vareš

Ad.5.

(Prijedlog Zaključka o pristupanju izrade Strategije razvoja Općine Vareš za period 2016-2020 godine.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Zaključka o pristupanju izrade Strategije razvoja Općine Vareš za period 2016-2020 godine.

Nakon izjašnjavanja vijećnika predsjedavajući OV konstatuje da **je jednoglasno (17 glasova „ZA“) usvojen**

Zaključak o pristupanju izrade Strategije razvoja Općine Vareš za period 2016-2020 godine.

Ad.6.

(Prijedlog Zaključka o davanju saglasnosti na Sporazum o međusobnoj kompenzaciji obaveza između Općine Vareš i JP ŠPD ZDK d.o.o. Zavidovići za nekretnine „Doli“ Vareš.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Zaključka o davanju saglasnosti na Sporazum o međusobnoj kompenzaciji obaveza između Općine Vareš i JP ŠPD ZDK d.o.o. Zavidovići za nekretnine „Doli“ Vareš.

Nakon izjašnjavanja vijećnika predsjedavajući OV konstatuje da **je jednoglasno (17 glasova „ZA“) usvojen**

Zaključak o davanju saglasnosti na Sporazum o međusobnoj kompenzaciji obaveza između Općine Vareš i JP ŠPD ZDK d.o.o. Zavidovići za nekretnine „Doli“ Vareš.

Ad.7.

(Izveštaj o provođenju Odluke o komunalnom redu općine Vareš za 2015. godinu.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o provođenju Odluke o komunalnom redu općine Vareš za 2015. godinu.

Nakon izjašnjavanja vijećnika predsjedavajući OV konstatuje da **je jednoglasno (17 glasova „ZA“) usvojen**

Izveštaj o provođenju Odluke o komunalnom redu općine Vareš za 2015. godinu

Ad.8.

(Tekuća pitanja.)

Predsjedavajući je izvijestio OV da sa današnjom sjednicom povodom tekućih pitanja nije bilo dostavljene tekuće pošte o kojoj bi Vijeće raspravljalo.

1. Vijećnik Mario Mirčić je u svom obraćanju predložio Općinskom načelniku da se iznađe mogućnost za asfaltiranje pristupnog puta sa R444 do kapele na groblju Stogić, do mrtvačnice.
2. Vijećnik Elvir Rožajac je u svom obraćanju prisutnima skrenuo pažnju na izlivanje vode na dijelu puta kod željezare, Vareš- Majdan, koji predstavlja probleme vozačima motornih vozila.
3. Vijećnik Ismet Abdulahović je u svom obraćanju zahtijevao objašnjenje Općinskog načelnika vezano za dolazak delegacije iz Dabravina a u vezi sa mjesnim grobljem također u Dabrinama.

Za riječ se javio Općinski načelnik Avdija Kovačević koji je u svom obraćanju dao odgovor na postavljeno pitanje vijećnika Ismeta Abdulahovića. Načelnik ističe da se radi na iznalaženju rješenja ovoga problema pri čemu je ponudio tri mogućnosti: korištenje privatne zemlje uz suglasnost vlasnika, stavljanje vakufske zemlje, koja se nalazi u centru grada, u funkciju i iznalaženje odgovarajućeg lokaliteta u MZ Dabravine i pristupanje eksproprijaciji odgovarajućeg lokaliteta na kojem bi se formiralo groblje u skladu sa zakonskom materijom koja to reguliše.

Sastavni dio ovog Zapisnika je audio zapis sjednice.
Sjednica je završena u 19,35 sati.

SEKRETAR

Leon Pavlović

**PREDSJEDAVAJUĆI
OPĆINSKOG VIJEĆA**

ZAPISNIČAR

Azra Ibrahimović

Zdravko Marošević